

dh'fheuchainn an dean mi réite air son bhur peacaidh.

31 Agus phill Maois a dh'ionnfuidh an Tighearn, agus thubhairt e, Och! pheacaich an sluagh so peacadh mòr, agus rinn iad dhoibh féin dée òir:

32 Gidheadh a nis, ma's toil leat, math dhoibh am peacadh; ach mur *math*, dubh mife, guidheam ort, a mach as do leabhar a sgrìobh thu.

33 Agus thubhairt an Tighearna re Maois, Ge b'e a pheacaich a'm' aghaidh, efan dubhaidh mi mach as mo leabhar.

34 Uime sin a nis imich, treòraich^a an sluagh a chum an *ionaid* mu'n do labhair mi riut; feuch, théid m'aingear romhad: gidheadh, 'san là am fiosaich mi, leanaidh mi am peacadh orra.

35 Agus chlaoidh^b an Tighearn an sluagh, a chionn gu'n d'rinn iad an laogh^c, a rinn Aaron.

C A I B. XXXIII.

AGUS thubhairt an Tighearna re Maois, Imich, falbh suas as so, thu féin agus an sluagh a thug thu mach a talamh na h-Eiplit, a dh'ionnfuidh na tìre a mhionnaich mi do Abraham, do Isaac, agus do Jacob, ag ràdh, Do d' shìochd-fa bheir mi e:

2 Agus cuiridh mi aingear romhad; agus fuadaichidh mi mach an Canaanach, an t-Amorach, agus an t-Hiteach, agus am Peridseach, agus an t-Hibheach, agus an Iebusach:

3 A dh'ionnfuidh fearainn a ta fruthadh le bainne agus mil; oir cha d'théid mi suas a'd' mheafg^d, oir is sluagh rag-mhuinealach thu; an t-eagal gu'n claidh mi thu 'san t-slighe.

4 Agus an uair a chual^e an sluagh an droch sgeul so, rinn iad bròn; agus cha do chuir duine 'sam bith air a bhrèaghachd^e.

5 Oir thubhairt an Tighearna re Maois, Abair re cloinn Israeil, Is sluagh rag-mhuinealach sibh: ann am platha^f théid mi suas'nar meafg, agus claidhidh mi sibh: a nis uime sin cuiribh dhibh bhur brèaghachd, a chum as gu'm bi fios agam ciod a ni mi ribh.

6 Agus rùisg clann Israeil am brèaghachd dhiubh làimh re sliabh Horeb.

7 Agus ghabh Maois am pàillion^g, agus shuidhich e 'n taobh a mach do'n champa e, fad o'n champa, agus thug e pàillion^g a' choi'-thionail mar ainm air. Agus 'na lorg sin chaidh gach neach a bha 'g iarraidh an Tighearn a mach do phàillion a' choi'-thionail, a bha 'n taobh a muigh do'n champa.

8 Agus an uair a chaidh Maois a mach do'n phàillion, dh'èirich an sluagh gu léir suas, agus sheas gach duine aig dorus a bhùtha, agus dh'ambaire iad 'an dèigh Mhaois gu an deachaidh e sligh do'n phàillion.

9 Agus an uair a chaidh Maois a sligh do'n phàillion, th'inig am meall^h neoil a nuas, agus sheas e aig dorus a' phàillion a-

^a thoir leat. ^b bhual. *Eabh.* ^c air son an *coraiah* a rinn iad do'n laogh.
^d a'd' mheadhon. ^e eudach riombach. ^f mionaid, tiota, aithgheoraid.
^g bith. *Eabh.* ^h column. *pillar Sala.*